

**Kitaaba Qulqulluu**  
**Hiikkaa Walta'aa Haaraya**

**Kakuu Haaraya**

# **Kitaba Qulqulluu**

---

**Kitaaba Qulqulluu**

**Hiikkaa Walta'aa Haaraya**

**Kakuu Haaraya**

---

**Kakuu Haaraya - Hiikkaan Walta'aan Haarayi kun Internaashinaal Baayibil Soosaayitiidhaan maxxanfame.  
Bara Araaraa 2001**

**Mirgi isaa seeraan eegamaa dha.**

copyright © 2009 International Bible Society

Kitaabota Kakuu Haaraya kana keessatti qopheeffaman keessaa haga kitaaba tokko guutuu hin ta'initti yookaan hamma kurmaana kitaaba tokkoo hin caalletti hiikkaa walta'aa kana irraa eeyyama dhaaba maxxansiiseetiin alatti gara waraabbiiwwan 500 waraabbachuun yookaan garagalfatanii maxxansiisuun ni danda'ama. Yeroo wanni kun ta'utti garuu, "Kitaaba Qulqulluu Hiikkaa Walta'aa Haaraya Kakuu Haarayaa kan Internaashinaal Baayibil Soosaayitiin bara 2001 maxxanfame irraa eeyyamaan fudhatame" jedhamee ibsamuu qaba.

**Kan Hin Gurguramne**

**Not For Retail Sale**

## Ittiin Baafata

Maqaa Kitaabaa Guutummaatti	Gabaabaatti	Fuula
Wangeela Maatewosii	Mat .....	1
Wangeela Maarqosii	Mar .....	72
Wangeela Luqaasii	Luq .....	119
Wangeela Yohaannisii	Yoh .....	196
Hujii Ergamtootaa	HuE .....	251
Ergaa Phaawuloos Gara Warra Roomaatti Erge	Rom .....	325
Ergaa Phaawuloos Gara Warra Qorontoosiitti Erge - 1 <sup>ffaa</sup>	1Qor .....	354
Ergaa Phaawuloos Gara Warra Qorontoosiitti Erge - 2 <sup>ffaa</sup>	2Qor .....	383
Ergaa Phaawuloos Gara Warra Galaatiyaatti Erge	Gal .....	401
Ergaa Phaawuloos Gara Warra Efesooniitti Erge	Efs .....	411
Ergaa Phaawuloos Gara Warra Filiphisiyusiitti Erge	Flp .....	421
Ergaa Phaawuloos Gara Warra Qolosaayisiitti Erge	Qol .....	429
Ergaa Phaawuloos Gara Warra Tasaloonqeetti Erge - 1 <sup>ffaa</sup>	1Tas .....	436
Ergaa Phaawuloos Gara Warra Tasaloonqeetti Erge - 2 <sup>ffaa</sup>	2Tas .....	442
Ergaa Phaawuloos Gara Ximootewoosiitti Erge - 1 <sup>ffaa</sup>	1Xim .....	446
Ergaa Phaawuloos Gara Ximootewoosiitti Erge - 2 <sup>ffaa</sup>	2Xim .....	455
Ergaa Phaawuloos Gara Tiitootti Erge	Tit .....	461
Ergaa Phaawuloos Gara Filmoonaatti Erge	Flm .....	465
Ergaa Gara Ibrootaatti Ergame	Ibr .....	467
Ergaa Yaaqoob Erge	Yaq .....	490
Ergaa Pheexroos Erge - 1 <sup>ffaa</sup>	1Phex.....	498
Ergaa Pheexroos Erge - 2 <sup>ffaa</sup>	2Phex.....	507
Ergaa Yohaannis Erge - 1 <sup>ffaa</sup>	1Yoh.....	513
Ergaa Yohaannis Erge - 2 <sup>ffaa</sup>	2Yoh.....	521
Ergaa Yohaannis Erge - 3 <sup>ffaa</sup>	3Yoh.....	522
Ergaa Yihuudaan Erge	Yih .....	523
Muldhata Yohaannisii	Mul .....	526
Kutaalee Kitaaba Qulqulluu Bebbeekamoo .....		564
Dinqiiwwan Kiristoos Hojjate.....		566
Fakkeenyawwan Yesuus barsiise.....		568



---

## Seensa

Internaashinaal Baayibil Soosaayitiin dhaaba addunyaa kan afaan gara garaatiin Kitaaba Qulqulluu hiikee maxxansiisuudhaan akka namoonni dubbii Waaqaa dubbifataniif hubataniif, Gooftaa Yesuusin beekuudhaanis akka fayyinna argatanii jireenna kiristaanummaa isaaniitiin jabaataniif carraaquu dha.

Afaan saba tokkoo akkuma namaa dhalata; ni guddata; ni du'as. Jechoonni yeroo tokko saba biratti fudhatamoo ta'an, yeroo kaan ammoo fudhatamoo hin ta'an. Jechoonni yeroo tokko nama waltaasisan, yeroo kaan ammoo wal hin taasisan; dhaamsa barbaadames hin dabarsan. Sababii haala afaanii kanaaf Kitaaba Qulqulluu yeroo yerootti hiikuun, gara afaan dhaloota haarayaattis jijjiiruun barbaachisaa dha. Kanaafuu Kitaabni Qulqulluun bara duriitii jalqabee afaanota biyyaafi bara adda addaatti hiikamaa tureera.

Internaashinaal Baayibil Soosaayitiinis haaluma kanaan loqodawwan Oromiffaa gugurdaa afran (kan dhihaa, kan kibbaa, kan bahaafi jiddu galees-saa) walitti fiduudhaan hiikkaa kitaaba Qulqulluu hojjachaa jira. Hiikkaa akkanaa hojjachuufis tokkoo tokkoo loqodawwan kanneenii irraa bakka bu'oota dandeettii afaanichaa qaban walitti fidee Kakuu Haaraya hiikkaa walta'aadhaan qubee Itoopiksiitii fi qubee Laatiiniitiin qopheessee dhiyeesseera. Kakuun Moofaan (dullachi) immoo dhiyeenyatti akka itti fufee dhiyaatu ni abdatama.

### Yaalii afaanicha wal taasisuuf godhame:

Sabni Oromiffaa dubbatu hedduu dha. Afaanichis loqodawwan gara garaa of keessaa qaba. Jechi bakka tokkotti rakkinna hin qabne bakka kaanitti hiikkaa faallaa kan walitti nama buusuu fi kan nama qaanessu qaba. Fakkeennaaf Arsiitti bukkeen, Booranatti kaachuun, Wallaggatti seeruufi gochaan jechoota qaanii ti. Kanaafuu rakkoo akkanaa diqqeessuuf jechoota loqodawwan walitti dhiyeessuu danda'anitti fayadamuun yaalameera.

### fakkeennaaf:

#### Jecha qaanii

bukkee  
kaachuu  
seeruu  
gochaa

#### Bakka bu'aa Isaa

cina, maddii, bira  
fiiguu  
seeraan dhowwu  
hujii

Hiikkaan kun hiikkaa walta'aa dha (Standard Translation); Kanaafuu loqodawwan afaanichaa walitti dhiyeessuuf jechoota hiikkaa wal fakkaatu qabanitti fayyadamuudhaan hiikkaan isaanii yaadannoo miila jalaa keessatti ibsameera.

**Fakkeennaaf:**

<u>Jecha</u>	<u>Hiikkaa Isaa</u>	<u>Kutaa Isaa</u>
sagalee	qoonqoo/qoonqa	Mat 3:3
Iddoo aarsaa	fulaa sooriyoo/bakka falaa/furda	Mat 23:18
magaalaa	dira	Mat 2:1
gaargala	ariyatama/baqachiifama	HuE 8:1
cidha	jila	Yoh 2:2
daayyaa	manaaba/muldhata	2Qor 12:1
firii	midhaan/ija/gumaa	1Qor 9:7
luba	qaalluu/qeessii	Ibr 2:17

Katabbiwwan yaada walfakkaatu qaban agarsiisuuf immoo mata dureewwan didiqqaa jalatti jecha "kwf " (kutaa walfakkaatu) jedhuufi "wbq" (wal bira qabaa ilaalaa) jedhuun ibsamaniiru.

**Fakkeennaaf:**

Luq 3: 2-10 kwf → Mat 3:1-10; Mar 1: 3-5  
Yoh 12: 1-8 wbq → Mat 26:6-13; Mar 14:3-9

Yommuu hiikkaan kun hojjatametti warruma waliin hojjatan jidduuttiyyuu garaa garummaattu ture. Ta'us rakkoo naannoo tokkoo akkuma rakkoo naannoo hundaatti fudhachuudhaan obsaan wal dhagayaa, jechoota rakkoo hin finne kanneen hubachuufillee nama hin rakkifne filachaa, akka ergaan Kitaaba Qulqulluu hin jijjiiramne eeguun yaalameera. Kana irratti hayyoota afaanii kan biiroowwan mootummaa keessumattuu kan biroo barnoota Oromiyaa, barsiistota Kooleejjii Tiyoooloojiitii fi tajaajiltoota waldaa Kiristaanaa tokko tokko gaafachuudhaan, sab-qunnamtii afaan Oromoo hordofuudhaan, seer-luugootaafi galmee jachootaatti fayyadamuudhaan tokkummaa afaan kanaa eeguuf yaaliin godhameera.

**Tooftaa Hiikkaa**

Tooftaan yookaan bifni hiikkaa kanaa jechuun mata dureen isaa, bo'oon isaa, boqonnaa fi lakkoobsi isaa harki caalu hiikkaa Ingiliffaa kan "Enni Aayi Vii" (NIV) jedhamu fakkaata. Yaada isaa sirriitti dhiyeessuuf garuu burqaawwan armaan gadiitti fayyadamneerra;

- 1) Hiikkaawwan Amaariffaa kanneen duraan qopheeffaman
- 2) Hiikkaawwan orommiffaa kanneen duraan qopheeffaman
- 3) Hiikkaawwan Ingiliffaa bebbeekamoo
- 4) Hiikkaawwan Ibraayisxiitii fi Giriikii

Hiikkaan kun qajeelfama armaan gadi jiruu faana bu'uun hojjatame:

- 1) Sirrii ta'uun isaa (accuracy) - haga danda'ametti yaada tokko otoo hin hirdhisin yookiin otoo waa itti hin ida'in dhiyeessuu,
- 2) Ifa ta'uu (clarity) - akka ergaan tokko borcamee hin dhokanneef ifatti baasanii dhiyeessuu,
- 3) Amanamummaa (fidelity) - ergaa barreessaan tokko erge akkuma jirutti amanamummaadhaan dabarsuu,
- 4) Lubbuu itti gochuu (liveliness) - ergaa tokko haala miira namaa sochoosuufi dadammaqsuu danda'uun dhiyeessuu,
- 5) Haala afaanii hordofuu (naturalness) - haala akka waan afaanuma keennaan barreeffameetti dubbisuu nama dandessisuun dhiyeessuu,
- 6) Rakkoo malee Dubbifamuu (readability) - akka hiikkaan tokko nama dubbisu hin nuuffisiiifneefi (hin ifachiifneefi) akka dubbisuun isaas nama hin gufachiifne, akka yaadi isaas namatti mi'aawu gochuun dhiyeessuu,
- 7) Ulfinna afaanii (dignity) - waan dubbiin Waaqaa kabajamaa ta'eef akka jecha salphaan hin dhiyeeffamneef sadarkaa isaa ol guddisanii dhiyeessuu.

#### **Maqaa fi Qubee**

Maqaa yookaan mata-duree kitaaba kanaatiifi qubee isaa murteessuuf odeeffannoo barbaaduuf gaafiin qophaayee Godinaalee Oromiyaa adda addaatti bittineeffamee ture. Haala kanaan namni harki caalu akka maqaan isaa "Kitaaba Qulqulluu" ta'uufi qubeen isaa immoo Itoophiksii fi Laatiinii ta'u waan filateef maqaan kitaaba kanaa Kitaaba Qulqulluu, qubeen isaa immoo Itoophiksii fi Laatiinii ta'ee maxxanfameera.

**Kakuu Haaraya**

